

**Bosna i Hercegovina**  
**Federacija Bosna i Hercegovina**  
**Tuzlanski kanton**  
**GRAD GRAČANICA**  
**GRADONAČELNIK**

**DOKUMENT OKVIRNOG BUDŽETA**  
**GRADA GRAČANICE ZA PERIOD**  
**2021. – 2023.GODINA**

**Gračanica, juni 2020. godine**

## **SADRŽAJ**

Poglavlje 1 - Uvod.....	3
Poglavlje 2 - Srednjoročne makroekonomske pretpostavke i prognoze.....	4
2.1. Ekonomski rast.....	4
2.2. Industrijska proizvodnja.....	6
2.3. Tržište rada.....	6
2.4. Rizici ostavenja makroekonomskih projekcija.....	8
Poglavlje 3 - Srednjoročna fiskalna politika.....	9
Poglavlje 4 - Srednjoročna porezna politika i prognoza direktnih i indirektnih poreza Grada Gračanice.....	9
4.1. Prihodi budžeta Grada Gračanice.....	11
4.2. Izdaci Grada Gračanica.....	13
Poglavlje 5 – Otplata kredita.....	16

Na osnovu članova 15.; 16.; 17. i 18. Zakona o budžetima u Federaciji Bosne i Hercegovine („Službene novine Federacije BiH“, br. 102/13, 9/14, 13/14, 8/15, 91/15, 102/15, 104/16), Gradonačelnik  
d o n o s i

## **DOKUMENT OKVIRNOG BUDŽETA GRADA GRAČANICA ZA PERIOD 2021. – 2023.GODINA**

### **Poglavlje 1 - Uvod**

U skladu sa Zakonom o budžetima Federacije Bosne i Hercegovine izrađen je Dokument okvirnog budžeta Grada Gračanica (DOB) koji je dio pristupa Srednjoročnog okvira rashoda za 2021.-2023. godinu. Cilj DOB-a je da pomogne da se razvije kvalitetniji strateški osnov za srednjoročno planiranje Budžeta i godišnji budžet, uključujući bolje povezivanje raspodjele resursa sa prioritetima politika navedenim u razvojnim strategijama, odnosno u Gradu Gračanica, prioriteta politika utvrđenih u Strategiji razvoja Grada Gračanica do 2023.godine.

Dokument okvirnog budžeta za period 2021. - 2023. godina izlaže fiskalnu strategiju i budžetske planove za slijedeće tri godine i ima za cilj da razvije bolju stratešku osnovu za pripremu budžeta. DOB predstavlja preliminarni okvirni nacrt budžeta za 2021. godinu, te daje predviđanja za **2022-2023.** godinu.

Zakonom o budžetima u FBiH propisan je budžetski kalendar kojim su utvrđeni rokovi za svaku fazu budžetskog planiranja i kojim je predviđeno da DOB, kao jedinstven dokument, vlada odnosno gradonačelnik razmatra i usvaja do 30.juna tekuće godine.

Osnova za izradu budžeta zasniva se i na procjeni privrednog razvoja, razvoja socijalnog sektora, makroekonomskih pokazatelja, te prognozi prihoda i rashoda za godine koje su obuhvaćene Dokumentom okvirnog budžeta.

Ovaj dokument je urađen na bazi akta;

- Smjernice ekonomske i fiskalne politike Tuzlanskog kantona za period 2021.-2023.godina
- Direkcije za ekonomsko planiranje BiH (DEP),
- Revidiranih projekcija prihoda od direktnih poreza za 2020.godinu i period 2021.-2023.godina,
- Projekcije prihoda od indirektnih poreza za 2020.godinu i period 2021.-2023.godina dostavljene od Ministarstva finansija TK,
- Projekcije prihoda od indirektnih poreza za 2020.godinu i period 2021.-2023.godine dostavljene od strane JU Direkcije regionalnih cesta Tuzlanskog kantona
- Izvršenje budžeta Grada Gračanica za 2019.godinu,
- Pokazatelji koji se odnose na nivo ostvarenih prihoda Budžeta Grada Gračanica u periodu januar – maj 2020.godine.

Služba za poduzetništvo, lokalni razvoj i finansije Grada Gračanica, predlaže Gradonačelniku da razmotri i usvoji Dokument okvirnog budžeta Grada Gračanica za period 2021.-2023. godina kao osnov za pripremu, planiranje i izradu budžeta i finansijskih planova u Gradu Gračanica za fiskalnu 2021.godinu.

## Poglavlje 2 - Srednjoročne makroekonomske pretpostavke i prognoze

Jedan od osnovnih preduslova održivog ekonomskog rasta te povećanja zaposlenosti jeste makroekonomska stabilnost. Makroekonomska stabilnost ostvarit će se efikasnim upravljanjem javnim finansijama kroz daljnje unaprijeđenje procesa upravljanja državnim budžetom, fiskalnu konsolidaciju i efikasno upravljanje javnim dugom, jačanje sistema unutrašnjih finansijskih kontrola i unutrašnje revizije, te razvojem makroekonomske statistike.

### 2.1 - Ekonomski rast

Bosna i Hercegovina je, prema prvim procjenama, u 2019.godini ostavila rast od 2,6 % u odnosu na 2018.godinu, potaknut jačenjem domaće tražnje i povoljnim kretanjima u međunarodnom ekonomskom okruženju. Glavno uporište ostvarenog ekonomskog rasta tokom ovog perioda predstavljala je domaća tražnja kroz povećanje finalne potrošnje i u manjoj mjeri investicija. Povećanje privatne potrošnje prilično jasno zbog povećanja broja zaposlenih i penzionera, kao i njihovih primanja u realnom smislu, te novčanih priliva iz inostranstva koji su doveli i do povećanja raspoloživog dohotka građana. S druge strane, prilikom interpretacije doprinosa od stane investicija potrebna je doza opreznosti obzirom da ova komponenta uključuje i zalihe. Vanjski sektor odnosno neto izvoz usljed pada izvoza i povećanja uvoza je imao negativan utjecaj na kretanje ekonomskog rasta u Bosni i Hercegovini tokom posmatranog perioda.

Direkcija za ekonomsko planiranje ( DEP), pri Vijeću Ministara Bosne i Hercegovine izradila je makroekonomske pokazatelje na nivou Bosne i Hercegovine, koji se daju u sljedećoj tabeli :

Tabela 2.1 – Makroekonomski pokazatelji za BiH za period 2018.- 2023. godine miliona KM

N a z i v	Zvanični podaci		Projekcije			
	2018	2019	2020	2021	2022	2023
<b>Nominalni BDP roizvod u mil KM</b>	34,023	35,365	34,846	36,340	38,077	39,826
Nominalni rast %	5,2	3,9	-1,5	4,3	4,8	4,6
<b>Potrošnja u mil KM</b>	32,048	32,931	32,736	33,670	34,830	36,055
<b>Realni rast u %</b>	2,0	1,8	-1,0	1,4	1,7	1,7
Vladina potrošnja u mil KM	6,611	6,776	6,959	7,098	7,325	7,545
<b>Realni rast u %</b>	0,9	1,0	1,9	0,5	0,7	0,5
<b>Privatna potrošnja u mil KM</b>	25,437	26,155	25,777	26,572	27,505	28,510
Realni rast %	2,3	2,0	-1,7	1,7	1,9	2,1
Investicije u stalna sredstva u mil KM	6,310	6,857	6,215	6,735	7,397	8,077
Realni rast u %	9,2	8,3	-10,5	7,1	8,1	7,7
Vladine investicije u mil KM	859	954	920	1,042	1,176	1,307
Realni rast u %	15,4	9,4	-5,0	11,6	10,0	8,5
Privatne investicije u mil KM	5,451	5,903	5,295	5,692	6,222	6,769
Realni rast u %	8,3	8,1	-11,4	6,3	7,8	7,5
Uvoz u mil KM	19,097	19,955	18,549	19,478	20,828	20,520
Nominalni rast u %	6,7	4,5	-7,0	5,0	6,9	8,1
Realni rast u %	3,7	2,5	-6,1	3,2	4,5	5,1

Izvoz u mil KM	14,087	14,850	13,821	14,726	15,976	17,471
Nominalni rast u %	10,0	5,4	-6,9	6,5	8,5	9,4
Realni rast u %	6,1	3,4	-6,4	4,3	5,8	6,7
Nacionalna Bruto štednja u % BDP-a	16,9	18,4	16,8	17,7	18,4	18,8
Bilans tekućeg računa u mil KM	-1,236	-1,022	-975	-990	-1,084	-1,320
Rast u %	-9,1	-17,4	-4,5	1,5	9,4	21,8
Bilans tekućeg računa u % BDP-a	-3,6	-2,9	-2,8	-2,7	-2,8	-3,3

*Napomena: Izvor podataka Direkcija za ekonomsko planiranje (DEP), april 2020.godine*

Početak 2020.godine karakteriše dodatno usložnjavanje međunarodnih ekonomskih prilika i pojava virusa Covida-2019 što će imati veoma negativne implikacije na privredna kretanja u svijetu, regionu i u konačnici u samoj Bosni i Hercegovini. Intenzitet i dužina trajanja novonastalih okolnosti u suštini će odrediti kretanje ekonomskog rasta kako kratkoročno tako i u srednjem roku. Prije same analize ekonomskih kretanja u Bosni i Hercegovini, vrijedi istaći da u vrijeme pripreme ovog izvještaja sve međunarodne referentne institucije (MMF, Svjetska banka, EC) na sedmičnoj bazi vrše revizije projekcije ekonomskih kretanja za 2020.godinu. Najaktuelniji referentni dokument Svjetske Banke „Fighting COVID-19, Europe and Central Asia Economic Update za region Balkana pa i same Bosne i Hercegovine procjenjuje pad ekonomskog rasta od -1,9% do -3,2% u slučaju prelijevanja krize u drugu polovinu 2020.godine. Bez obzira na neizvjesnost o dužini trajanja i kvantifikaciji posljedica pandemije Covid -19 na svjetsku privredu nema nikave sumnje da će ekonomske posljedice biti izrazito negativne. Tako je već sada sasvim izvjesno da će širenje ovog virusa prevashodno dovesti do usporavanja svjetske trgovine, a posljedično i ostalih komponenti ekonomskog rasta kao što su investicije i privatna potrošnja.

Ovakva kretanja u međunarodnom ekonomskom okruženju vrlo vjerovatno će dovesti do dodatnog slabljenja kako izvozne, tako i domaće tražnje u prvoj polovini 2020.godine.

Međutim, kao što je ranije navedeno međunarodne finansijske institucije još uvijek nisu zvanično publikovale bilo koji dokument koji bi kvantifikovao dužinu trajanja COVID-2019 i ekonomska kretanja za period 2021.-2023.godina.

S tim u vezi, projekcije DEP-a za ovaj srednjoročni vremenski period zasnovane su na pretpostavci da je epidemija virusa kratkotrajna pojava, odnosno da će biti prevaziđena u drugoj polovini 2020.godine.

Prema tome, preduslov realizacije navedenih projekcija predstavlja prevazilaženje novonastalih okolnosti u kratkom roku, poboljšanje međunarodnog ekonomskog okruženja kao i implementacije strukturnih reformi u zemlji kako bi se ojačao doprinos internih dinamika u ekonomskom rastu u Bosni i Hercegovini.

Pretpostavlja se da bi ključni oslonac ekonomskog rasta tokom ovog perioda trebala predstavljati domaća tražnja. Naime, povećanje ekonomske aktivnosti u zemlji uz očekivano povećanje industrijske proizvodnje i građevinskih radova praćena povećanjem broja zaposlenih i prihoda od izvoza trebalo bi rezultirati povećanjem raspoloživog dohotka građana a samim tim i povećanjem privatne potrošnje koja će kao i predhodnih godina predstavljati ključni oslonac ekonomskog rasta. Tako se u periodu od 2021.-2023. godine očekuje prosječna stopa rasta privatne potrošnje od oko 2%. S druge strane, imajući u vidu visok nivo javne potrošnje u okviru BDP-a u BiH i naporekoji se ulažu kroz proces fiskalne konsolidacije u Bosni i Hercegovini tokom ovog perioda očekuje se postepena stabilizacijajavnih finansija kroz smanjenje javnih rashoda i istovremeno povećanje javnih prihoda kako bi se ograničio rast javne potrošnje.Tako se u periodu od 2021.-2023. Godine očekuje tek blagi rast javne potrošnje od 0,6% na godišnjem nivou. U periodu 2021.-2023.godina u Bosni i Hercegovini se očekuje povećanje ukupnih investicija po prosječnoj godišnjoj stopi rasta od oko 7,5 % . U ovom vremenskom okviru pored povećanja privatnih investicija koje čine 80 % ukupnih investicija očekuje se znači i značajniji doprinos javnih investicija.

## 2.2. Industrijska proizvodnja i robna razmjena

Statistički podaci BHAS-a za 2019.godinu ukazuju na to da je Bosna i hercegovina nakon dugo godina, zabilježila izrazito nepovoljan rezultat kada je u pitanju kretanje fizičkog obima industrijske proizvodnje, naime, prema preliminarnim podacima BHAS-a za 2019.godinu Bosna i hercegovina je zabilježila pad fizičkog obima industrijske od 5,5% u odnosu na predhodnu godinu. Ovo smanjenje fizičkog obima industrijske proizvodnje predstavlja najznačajniji pad proizvodnje još od vremena svjetske ekonomske krize. Ključne razloge za ovakva kretanja u okviru industrijske proizvodnje u bosni i hercegovini predstavljaju usporavanje privredne aktivnosti u glavnim trgovinskim partnerima kao i izazovi sa kojima se susreću domaće kompanije u pojedinim privrednim granama.

Projekcije kretanja industrijske proizvodnje u Bosni i Hercegovini u 2020.godini trenutno je vrlo teško predvidjeti obzirom da je ista i tokom predhodne godine pokazala vidljive slabosti koje su se manifestovale padom fizičkog obima proizvodnje. Pored ovoga, neizvjesnost uzrokovana novonastalim okolnostima – pojavom epidemije virusa Covid -19 dodatno usložnjavaju izradu projekcije kretanja fizičkog obima industrijske proizvodnje u Bosni i Hercegovini. Tehnološka struktura proizvodne baze, kao i njena visoka ovisnost o kretanjima na tržištima glavnih trgovinskih partnera u predhodnom periodu pokazala je sve ranjivosti industrije a naročito prearđivačke industrije u Bosni i Hercegovini. S toga će privredna kretanja u okviru glavnih trgovinskih partnera u 2020.godini u najvećoj mjeri odrediti kretanje fizičkog obima proizvodnje, broja zaposlenih i nivo investicionih ulaganja u okviru industrijskog sektora u Bosni i Hercegovini.

Kretanje fizičkog obima industrijske proizvodnje u srednjem roku uglavnom će zavisti od privrednih kretanja na tržištima glavnih partnera kao što je bio slučaj i u dosadašnjem periodu. Ukoliko posljedice novonastalih okolnosti (pandemija COVID -19) budu sanirane u što kraćem roku tokom ovog perioda u Bosni i Hercegovini se može očekivati osjetniji ekonomski napredak u okviru kojeg bi dešavanja u industrijskoj proizvodnji trebala imati centralnu ulogu.

Pored povoljnih eksternih prilika u ovom srednjoročnom vremenskom okviru se očekuje i značajniji utjecaj internih dinamika u funkciji jačanja industrijske proizvodnje u Bosni i Hercegovini. Naime, tokom ovog perioda očekuje se da bi reformske mjere na unapređenju poslovnog ambijenta koje povode nadležne institucije u Bosni i Hercegovini trebale poručiti mjerljive rezultate.

U Tuzlanskom kantonu u 2019.godini došlo je do pada ukupnog obima industrijske proizvodnje u odnosu na 2018.godinu od 2,1%. Prema područjima, prerađivačka industrija ostvaruje rast od 1,3 % dok proizvodnja i snabdijevanje električnom energijom bilježi pad od 10,2%, a vađenje ruda i kamena pad obima proizvodnje od 1,7 %. U 2019.godini iz Tuzlanskog kantona ukupno je izvezeno proizvoda u vrijednosti od 1.791.793,00 KM što je u odnosu na izvoz 2018.godine ostvaren rast 3,6%. U isto vrijeme je došlo do rasta uvoza od 10% te je uvezeno robe u vrijednosti od 2.142.316,00 KM. Pokrivenost uvoza izvozom je 83,64 KM a vanjskotrgovinski deficit je 350.523.000,00 KM.

## 2.3. Tržište rada

Iako u periodu pripreme projekcija nisu raspoloživi podaci za I kvartal 2020.godine, novonastala pandemija virusa COVID-19 zasigurno će imati veliki uticaj i na tržište rada. Preliminarni podaci o broju zaposlenih lica u Bosni i Hercegovini u januaru 2020.godine ukazuju na rast broja zaposlenih lica od 2,5 g/g, uz smanjenje broja registrovanih nezaposlenih lica od 6,3% g/g. Prosječna neto plata u januaru 2020.godine iznosila je 945 KM i veća je nominalno za 3,5%g/g. Međutim, od marta 2020.godine mogu se očekivati naznake uticaja pandemije na tržište rada. Trenutno, raspoloživi podaci Porezne uprave Federacije Bosne i Hercegovine pokazuju prve znake uticaja pandemije na tržište rada. Prema službenim evidencijama iz jedinstvenog sistema registracije, kontrole i naplate doprinosa, broj zaposlenih u Federaciji Bosne i Hercegovine prema pebivalištu zaposlenika na dan 31.03.2020.godine iznosio je 528.476 i isti je manji u odnosu na broj od 29.02.2020.godine za 3.474 zaposlenika. U istom obavještenju se takođe navodi da je broj zaposlenih lica već početkom aprila na dan 03.04.2020.godine ponovo smanjen i iznosio je 520.641 ( što je -1,5% u odnosu na kraj marta 2020). Zasigurno da će prve znake krize osjetiti zaposleni u uslužnim djelatnostima. Zbog očekivanog smanjenja obima poslovne aktivnosti koji proizilazi iz krize izazvane COVID-19 u oblastima turizma (smanjenje broja posjeta i noćenja) a potom ugostiteljstva, hotelijerstva, zabave, rekreacije i kulture može se očekivati da broj zaposlenih lica u pomenutim djelatnostima bude niži u odnosu na prethodnu godinu. Pored ovih djelatnosti, u izradi projekcija za tržište rada značajan uticaj će imati kretanje obima investicija, trgovine i uopšte ekonomski rast. Zbog toga su u izradi projekcija uzeta u obzir prethodno opisana dešavanja u oblastima prerađivačke industrije i trgovine u 2020.godini koje zapošljava najveći broj lica u Bosni i Hercegovini (oko 39%).

Projekcije na tržištu rada će zavisti od navedenih rizika kao i planiranih /implementiranih mjera od strane entitetskih vlada i vijeća ministara Bosne i Hercegovine u cilju minorizacije posljedica krize izazvane pandemijom COVID-19 kako na ekonomiju tako i na tržište rada.

Izrada srednjoročnog scenarija 2021.-2023.godine u oblasti tržišta rada baziran je na očekivanom ekonomskom rastu i njegovim osnovnim komponentama u posmatranom periodu od strane DEP-a, odnosno na nivou potražnje, trgovine i investicija. Evropska centralna banka u svojim projekcijama predviđa u 2021. Rast broja zaposlenih lica u eurozoni od 0,3% g/g odnosno 0,4% g/g u 2022.godini. U 2021.godini se očekuje jednaka stopa nezaposlenosti u eurozoni od 7,6% u odnosu na predhodnu godinu koja bi se u 2022.godini počela smanjivati. Prema projekcijama DEP-a u 2021.godini se očekuje pozitivan ekonomski rast od 2,8% g/g u Bosni i Hercegovini. Pored toga rast investicija i trgovine u Bosni i Hercegovini bi se trebao pozitivno odraziti na broj zaposlenih lica naročito u sektorima koji su i predhodnih godina zapošljavali najviše lica u Bosni i Hercegovini. Uz bolje poslovne prilike u oblasti industrije, trgovine ali i pojedinih uslužnih djelatnosti stvorili bi se realni uslovi za rast broja zaposlenih lica u posmatranim djelatnostima. Kao i prethodnih godina, očekuje se da bi doprinosi rastu broja zaposlenih mogao biti skromniji u javnom sektoru u odnosu na ostala područja djelatnosti. Generalno, uz bolju poslovnu klimu, kako u Bosni i Hercegovini tako i u okruženju i zemljama EU, očekuje se povećanje broja zaposlenih u periodu 2021.-2023.godina od 1,5-2,3% g/g. Međutim, pretpostavljeni rizici će bitno determinisati rast broja zaposlenih lica ali i neto plate u periodu na koji se odnose projekcije.

Prema podacima Federalnog zavoda za zapošljavanje, u januaru 2020.godine u Tuzlanskom kantonu je bilo zaposleno ukupno 101.653 osoba. Na evidenciji JU Služba za zapošljavanje tuzlanskog kantona, Tuzla na kraju decembra 2019.godine evidentirane su 73.965 nezaposlene osobe.

Prosječna neto plata u Tuzlanskom kantonu u decembru je iznula 854,00 KM što je ispod prosjeka Federacije BiH. U odnosu na kantonalni prosjek iz 2018.godine, neto plaća je veća za 7,2%. Najviše prosječne neto plate u Tuzlanskom kantonu su u sektoru proizvodnje i opskrbe el.energijom (1.684 KM, dok su najniže prosječne neto plate u hotelijerstvu i ugostiteljstvu (525 KM).

*Tabela 2.3.1. – Uporedna tabela zaposlenih/nezaposlenih u Federaciji BiH*

	2013	2014	2015	2016	2017	2018	2019
Broj zaposlenih	435.113	443.587	450.121	457.974	505.201	519.800	531.483
Broj nezaposlenih	388.704	391.427	390.204	377.854	357.971	329.907	331.570

*Napomena: Izvor podataka Statistika Grad Gračanica*

*Tabela 2.3.2.. – Uporedna tabela zaposlenih/nezaposlenih u Gradu Gračanica*

	2010	2011	2012	2013	2014	2015	2016	2017	2018	2019
Broj zaposlenih	8.196	8.377	8.346	8.423	8.428	9.106	9.375	9.647	10.776	10.965
Broj nezaposlenih	8.857	8.968	9.350	9.658	9.651	9.345	8.675	7.881	7.399	7.101

*Napomena: Izvor podataka Statistika Grad Gračanica*

*Tabela 2.3.3. – Uporedna tabela bruto i neto plaća u Federaciji BiH*

	2010	2011	2012	2013	2014	2015	2016	2017	2018	2019	III - 2020

Prosječna neto plata u KM	804	819	830	835	833	830	839	860	889	916	940
Prosječna Bruto plata u KM	1.223	1.248	1.286	1.275	1.272	1.269	1.283	1.318	1.365	1.407	1.446

*Napomena: Izvor podataka Statistika Grad Gračanica*

*Tabela 2.3.4.. – Uporedna tabela neto plaća u Grad Gračanica*

	2010	2011	2012	2013	2014	2015	2016	2017	2018	2019
Prosječna neto plata u KM	533,31	526,05	524,00	520,00	536,00	524,00	541,00	586,00	615,00	631

*Napomena: Izvor podataka Statistika Grad Gračanica*

## 2.4 - Rizici ostvarenja makroekonomskih projekcija

Rizici za ostvarenje ovih projekcija se mogu klasifikovati u dvije grupe i to na vanjske i unutrašnje, pri čemu su vanjski rizici dosta izvjesniji i utjecajnjiji na kretanje ekonomskog rasta u Bosni i Hercegovini. Pored činjece da su raspoloživi izvještaji međunarodnih institucija najavljivali slabljenje ekonomske aktivnosti u ekternom okruženju, izbijanje globalne epidemije virusa Covid 19 se nametnulo kao ultimativni primarni rizik po realizaciju ovih projekcija iz osnovnog scenarija. Preduslov za materijalizaciju navedenih projekcija makroekonomskih pokazatelja predstavlja prevazilaženje novonastalih izazova u što kraćem roku. S druge strane prijetnju realizaciji ovih projekcija predstavljaju i unutrašnji izazovi odnosno unutrašnji rizici u Bosni i Hercegovini. Unutrašnje rizike predstavljaju složen sistem donošenja odluka i spor tempo provođenja ekonomskih reformi u zemlji. Eventualna kašnjenja u procesu formiranja vlasti i provođenja ekonomskih reformi bi se mogla negativno odraziti na planiranu dinamiku izvršenja javnih investicija što bi se sigurno odrazilo i na ukupan ekonomski rast.

Što se tiče rizika u srednjem roku 2021.-2023.godina, oni se odnose na migraciju stanovništva iz Bosne i Hercegovine posebno mladog, obrazovnog i kvalifikovanog kadra što bi moglo rezultirati smanjenjem produktivnosti i sporijim rastom BDP-a od projiciranog.

Eventualna ekstenzija trenutnih dešavanja povodom COVID-19 i na drugu polovinu godine bi se mogla loše odraziti na ekonomiju Bosne i Hercegovine a potom i tržište rada. Uz niži ekonomski rast od pretpostavljenog i broj zaposlenih lica bi mogao biti znatni smanjen. Pored toga, smanjenje radne snage(migracije) i stepen implementacije planiranih strukturnih reformi u bosni i Hercegovini maogao bi uticati na posmatrane indikatore tržišta rada odnosno na nivo kupovne moći i životni standard. Sve navedene promjene ujedno predstavljaju osnovne rizike za projekciju na tržištu rada.



### Poglavlje 3 – SREDNJOROČNA FISKALNA POLITIKA

Fiskalnu politiku, usklađenu sa mjerama Reformske agende, u 2020. godini u narednom srednjoročnom periodu fokusirana je na podršci makroekonomskom rastu, u cilju povećanja fiskalnog prostora politikama koje promovišu dugoročni rast i suzbijaju sivu ekonomiju.

Ključne aktivnosti prvenstveno podrazumjevaju djelovanje u pravcu stvaranja povoljnog i stabilnog poslovnog okruženja, atraktivnog za povećan priliv i domaćih i stranih investicija, kao glavnog generatora prognoziranog srednjoročnog makroekonomskog rasta. Provedbu planiranih aktivnosti i dalje prati nastavak reformi u cilju kreiranja stabilnog poreznog sistema i približavanju istog standardima Evropske unije.

Vlada Tuzlanskog kantona bit će usmjerena na oblikovanje fiskalne politike u cilju promovisanja konkurentnosti, povećanja efikasnosti javnog sektora te jačanja upravljanja javnim finansijama, kako na strani prihoda tako i na strani rashoda budžeta, uz poseban angažman vezan za aktivnosti usmjerene na promjenu propisa kojim je uređeno pitanje raspodjele indirektnih poreza i pitanje povrata vanjskog duga. Prioriteti u oblasti porezne politike i javnih prihoda u FBiH, a koji će imati uticaj na Tuzlanski kanton, za period 2021.-2023. godina bit će orjentisani na nastavku aktivnosti izrade prijedloga zakonskih rješenja kojima će se doprinijeti osiguranju i očuvanju ambijenta pogodnog privrednom rastu, sa stabilnim i predvidivim uslovima poslovanja, te poboljšanju naplate javnih prihoda, kao jednog od osnovnih agregata za planiranje razvojnih, socijalnih i ostalih društvenih potreba i obaveza.

Takođe, kao i u proteklom periodu, nastavlja se kontinuirano provođenje aktivnosti na pojačanom inspekcijском nadzoru s ciljem poticanja poštivanja propisa u cilju poboljšanja porezne discipline, suzbijanja sive ekonomije, te postizanja efikasnije naplate javnih prihoda.

Vlada Kantona je u toku 2015., 2016., 2017. i 2018. godine, donosila Zaključke u kojima je upućena inicijativa prema Vladi Federacije Bosne i Hercegovine i nadležnim federalnim ministarstvima za izmjenu zakona o pripadnosti javnih prihoda („Službene novine FBiH“, broj: 22/06, 43/08, 22/09, 35/14, 57/15 i 94/15) te će i u narednom periodu Vlada Kantona upućivati inicijativu prema Vladi federacije BiH za izmjenu zakona o pripadnosti javnih prihoda. Takođe i jedinice lokalne samouprave putem Saveza općina i gradova su podnošile inicijative više puta na istu temu.

Realizacija prezentiranog plana aktivnosti zavisit će prije svega od političke stabilnosti i institucionalne spremnosti nosioca aktivnosti, kao i drugih nepredviđenih događaja koji bi eventualno usporili i /ili odgodili realizaciju istih.

### Poglavlje 4 - Srednjoročna porezna politika i prognoza direktnih i indirektnih poreza Grada Gračanice

Projekcije prihoda u periodu od 2021.–2023. zasnovana je na projekcijama dostavljenim od MF TK koje se odnose na date projekcije prihoda od indirektnih poreza za Grad Gračanica kao i direktnih poreza te smjernica JU Direkcije cesta u kojima su date projekcije prihoda od indirektnih poreza.

Vodeći se makroekonomskim pretpostavkama, značajnijim usporavanjem naplate prihoda zabilježenim već u drugoj polovini marta i aprila tekuće godine, a uzimajući u obzir stabilizacijske mjere preduzete na teritoriji Federacije BiH, zbog krajnje nepredvidivosti toka i dužine trajanja same pandemije virusa COVID 19, te njenih krajnjih reperkusija na globalnu i domaću ekonomiju, projekcije prihoda su rađene sa krajnjom oprežnošću i bazirane na konzervativnom pristupu.

#### Indirektni porezi

U skladu sa Zakonom o pripadnosti javnih prihoda u FBiH („Službene novine FBiH“ broj 22/06, 43/08, 22/09, 35/14, 94/15) prihodi sa Jedinštenog računa se dijele na sljedeći način:

1. Otplata vanjskog duga,
2. Raspodjela na račun rezervi,
3. Raspodjela sredstava za potrebno finansiranje institucija BiH,
4. Raspodjela sredstava između entiteta i Brčko Distrikta.

U skladu sa Zakonom o pripadnosti javnih prihoda u FBiH („Službene novine Federacije BiH“, broj: 22/06, 43/08, 22/09) prihodi sa Jedinštenog računa se dijele kako slijedi:

- a) Finansiranje funkcija Federacije 36,20 %
- b) Finansiranje funkcija kantona 51,23 %
- c) Finansiranje funkcija jedinica lokalne samouprave 8,42 %
- d) Direkcija za ceste 3,90 %,
  - e) Finansiranje funkcija Grada Sarajeva 0,25 %.

Zakonom o pripadnosti javnih prihoda u Federaciji BiH je detaljno regulirana raspodjela prihoda od indirektnih poreza između Federacije, kantona, jedinica lokalne samouprave i direkcija za ceste, te puna primjena modela raspodjele prihoda po osnovu indirektnih poreza između svih nivoa vlasti u Federaciji BiH na osnovu propisane formule sa utvrđenim kriterijima iz Zakona o pripadnosti javnih prihoda, koja je i korištena prilikom izrade projekcija za ove nivoe vlasti.

Projekcije su rađene u skladu sa planom prihoda od indirektnih poreza i preuzete od Odjeljenja za makroekonomsku analizu (OMA) Uprave za indirektno oporezivanje u BiH.

Projekcije su zasnovane na historijskom trendu naplate prihoda i predviđanjima kretanja makroekonomskih pokazatelja u navedenom periodu, a uzimajući u obzir efekte kontinuiranog usklađenja stope akciza na duhan u BiH sa minimalnim standardima u EU.

Predviđeni prihodi od indirektnih poreza za Grad Gračanicu u narednom periodu dati su u sljedećoj tabeli:

Grad Gračanica	Projekcije		
	2021	2022	2023
Prihodi od indirektnih poreza koji pripadaju općinama	4.485.470	4.746.951	4.805.969
Prihodi od indirektnih poreza koji pripadaju direkciji cesta	707.093	742.628	755.369

### Direktni porezi

U skladu sa Zakonom o pripadnosti javnih prihoda u Federaciji BiH, kantoni i općine prikupljaju niz direktnih poreza, koji uključuju, porez na dohodak, porezi na imovinu, kao i neporezne prihode po osnovu Kantonalnih i Federalnih propisa o porezima na imovinu i niz drugih neporeznih prihoda, koji im omogućavaju finansiranje ustavom utvrđenih funkcija.

Služba za poduzetništvo, lokalni razvoj i finansije Grada Gračanica je projekciju prihoda od direktnih poreza u DOB-u Grada Gračanica za 2021.-2023. godinu uradila na bazi ostvarenih prihoda u 2019. godini, procijenjenih prihoda za 2020. godinu i Smjernica koje su dostavljene od strane Ministarstva finansija TK za općine Tuzlanskog kantona.

Rizici od ostvarenja projiciranih prihoda mogu biti odstupanje od predviđenog ekonomskog rasta, nepredviđene promjene poreznih politika i promjene makroekonomskih pretpostavki.

Pregled projiciranih direktnih prihoda (porez na dohodak) za Grad Gračanicu dat je u sljedećoj tabeli:

Grad	Projekcije		
	2021	2022	2023
Gračanica	1.505.946	1.552.630	1.602.314

#### 4.1. Prihodi budžeta Grada Gračanice

##### Ukupni raspoloživi prihodi

Očekivani nivo ukupnih poreskih, neporeskih prihoda, namjenskih sredstava, grantova, donacija, koji su na raspolaganju za finansiranje funkcija Budžeta Grada Gračanica iznosi 13.909.609 KM u 2021. godini 11.933.809 KM u 2022. godini i 12.070.251 KM u 2023. godini. Iz datih projekcija može se vidjeti da je projektovani iznos Budžeta u 2021. godini manji za 26,46 % u odnosu na 2020.godinu. U 2022. godini projicirano je smanjenje od 14,20 % ali smanjenje je rezultat kreditnog zaduženja u 2021.godini, te u 2023.godini projicirano je povećanje od 1,14 %.

U slijedećoj tabeli navedeni su prihodi i primici ostavreni u 2019.godini, planirani budžetom za 2020. godinu i projekcije prihoda za period 2021.-2023 godina.

#### PROJEKCIJE PRIHODA, PRIMITAKA I FINANSIRANJA ZA PERIOD 2021. - 2023. GODINA GRAD/ OPĆINA

Tabela 1.

		Ostavrenje	Plan.	Projekcije		
		2019. godina	2020. godina	2021. godina	2022. godina	2023. godina
Ekonomski kod	<b>I BUDŽETSKA SREDSTVA (A+B+C+D)</b>	<b>11.103.295,00</b>	<b>13.042.086,00</b>	<b>11.723.109,00</b>	<b>9.999.809,00</b>	<b>10.135.251,00</b>
	<b>A. Poreski prihodi</b>	<b>9.144.563,00</b>	<b>9.023.186,00</b>	<b>7.839.109,00</b>	<b>8.155.809,00</b>	<b>8.276.251,00</b>
711000	Porez na dobit pojedinaca i preduzeća	2.594,00	2.500,00	2.000,00	2.000,00	2.000,00
712000	Doprinos za socijalnu zaštitu					
713000	Zaostale uplate poreza na plaće	26.073,00	8.000,00	5.000,00	2.000,00	1.000,00
714000	Porez na imovinu	1.278.896,00	1.097.000,00	1.140.000,00	1.113.000,00	1.113.000,00
	Porez na plaću (zaostale uplate poreza)					
715000	Domaći porezi na dobra i usluge	570,00	1.314,00	500,00	500,00	500,00
716000	Porez na dohodak	2.074.337,00	2.077.669,00	1.498.946,00	1.548.630,00	1.598.314,00
717000	Prihodi od indirektnih poreza	5.761.976,00	5.836.603,00	5.192.563,00	5.489.579,00	5.561.337,00
719000	Ostali porezi	117,00	100,00	100,00	100,00	100,00
777770	Prihodi po osnovu zaostalih obaveza					
	<b>B. Neporeski prihodi- budžetska sredstva</b>	<b>1.940.587,00</b>	<b>1.815.900,00</b>	<b>1.751.000,00</b>	<b>1.744.000,00</b>	<b>1.809.000,00</b>
721000	Prihodi od poduzetničkih aktivnosti i imovine i prihodi od pozitivnih kursnih razlika	155.550,00	137.900,00	195.000,00	129.000,00	129.000,00
722000	Naknade i takse i prihodi od pružanja javnih usluga	1.782.211,00	1.674.000,00	1.552.000,00	1.611.000,00	1.676.000,00
723000	Novčane kazne	2.826,00	4.000,00	4.000,00	4.000,00	4.000,00
730000	Tekući transferi	0,00	0,00	0,00	0,00	0,00
	<b>C. Primici</b>	<b>18.145,00</b>	<b>2.203.000,00</b>	<b>2.133.000,00</b>	<b>100.000,00</b>	<b>50.000,00</b>
	<b>D. Finansiranje</b>					
	<b>II NAMJENSKA SREDSTVA, GRANTOVI I DONACIJE</b>	<b>2.222.267,00</b>	<b>4.264.687,00</b>	<b>2.131.000,00</b>	<b>1.871.000,00</b>	<b>1.871.000,00</b>
721000	Prihodi od poduzetničkih aktivnosti i imovine i prihodi od pozitivnih kursnih razlika					
722000	Naknade i takse i prihodi od pružanja javnih usluga	519.653,00	821.873,00	421.000,00	461.000,00	461.000,00
723000	Novčane kazne					

731000	Primljeni tekući transferi od inostr.vlada i međunarodnih organizacija	34.902,00				
732000	Primljeni tekući transferi od ostalih nivoa vlasti i fondova	194.141,00	360.000,00	160.000,00	160.000,00	160.000,00
733000	Donacije		30.000,00			
740000	Kapitalni transferi	1.473.571,00	3.052.814,00	1.550.000,00	1.250.000,00	1.250.000,00
722630	<b>III PRIHODI PO OSNOVU VLASTITE DJELATNOSTI-VLASTITI PRIHODI</b>	<b>58.563,00</b>	<b>59.000,00</b>	<b>55.500,00</b>	<b>63.000,00</b>	<b>64.000,00</b>
	<b>IV VIŠAK PRIHODA IZ PRETHODNOG PERIODA</b>	<b>2.152.242,00</b>	<b>1.549.435,00</b>			
	<b>UKUPNO PRIHODI, PRIMICI I FINANSIRANJE (I+II+III+IV)</b>	<b>15.536.367,00</b>	<b>18.915.208,00</b>	<b>13.909.609,00</b>	<b>11.933.809,00</b>	<b>12.070.251,00</b>

### Prihodi od indirektnih poreza

U Gradu Gračanica najznačajniji prihod u budžetu odnosi se na prihod od PDV-a na koji grad ne može uticati obzirom da je jasno regulisana raspodjela istog Zakonom o pripadnosti javnih prihoda.

Sastoji se od dvije vrste i to prihod od indirektnih poreza koji pripadaju direkciji cesta i prihod od indirektnih poreza koji pripada općinama.

Uzimajući u obzir smjernice koje smo dobili od MF TK te Direkcije cesta TK pristupili smo i planiranju / projekciji ove vrste prihoda po godinama.

Tako je u 2021.godini planiran prihod od indirektnih poreza koji pripada općinama u iznosu od 4.485.470 KM. U 2022. godini predviđen prihod po ovom osnovu iznosi 4.746.951 KM što je u odnosu na 2021.godinu više za 5,83 %.

Te u 2023.godini planiran je iznos od 4.805.969 KM što je u odnosu na 2022.godinu više za 1,24 %.

### Porez na dohodak

Prihodi od poreza na dohodak, u skladu sa smjernicama datim od strane viših nivoa vlasti, u narednom srednjoročnom periodu u 2021. godini iznosi 1.505.946 KM (uključujući i zaostale uplate) u 2022.godini 1.552.630 KM (uključujući i zaostale obaveze) te u 2023. godini 1.602.314 KM (uključujući zaostale uplate).

### Porezi na imovinu

Ovi porezi obuhvataju porez na imovinu od fizičkih i pravnih lica, porez na nasljeđe i darove, porez na promet nepokretnosti fizičkih i pravnih lica i ostale poreze na imovinu koji se naplaćuju i raspoređuju između budžeta kantona i općina prema kantonalnim propisima.

Projekcija ovih prihoda za 2021. godinu je 1.140.000 KM, 2022.godina 1.113.000 KM, te 2023.godina 1.113.000 KM.

### Neporezni prihodi

Neporezni prihodi uključuju:

- naknade i takse
- novčane kazne
- posebne naknade
- ostali neporezni prihodi (uključujući i vlastite prihode budžetskih korisnika)
- naknade po osnovu dodjele i korištenja građevinskog zemljišta i građenje (NKGZ, prihodi od rente)

Očekivani ukupni iznos prikupljenih neporeznih prihoda u 2021. godini iznosi 2.227.500 KM. Dalje ostvarenje neporeznih prihoda u 2022.godini očekuje se u iznosu od 2.268.000 KM i u 2023. godini 2.334.000 KM.

## Rizici po projekcije prihoda

Rizici ostvarenja projiciranih prihoda mogu biti:

- daljnje pogoršanje i produžavanje ekonomske krize praćeno nesagledivim ekonomskim posljedicama izazvanih pandemijom u svijetu ,
- rizik od migracije stanovništva što može dovesti do smanjenja produktivnosti rada i sporijim rastom BDP-a.
- glavni rizici za promjene u kretanju platnog bilansa Bosne i Hercegovine za povećanje odnosno smanjenje deficita tekućeg računa nalaze se u vanjskotrgovinskom deficitu, tj. u promjenama stopa uvoza i izvoza roba, kao i promjenama cijena na svjetskom tržištu.

## 4.2 Izdaci Grada Gračanica

Ključni faktor za određivanje predloženih prioriteta potrošnje i gornje granice rashoda je projicirani okvir prihoda.

Za pripremu podataka za DOB Grada Gračanica 2021. – 2023.godina, ispred kabineta Gradonačelnika poslan je dopis/instrukcija potrošačkim jedinicama (gradske službe) da dostave projekcije rashoda te eventualno prihoda ukoliko se radi o prihodima po posebnim propisima i njihovom utrošku, kako bismo mogli sve sumirati te u skladu sa projiciranim prihodima utvrditi rashodovnu stranu budžeta za naredne 3 godine. Takođe, dopisi su poslani i Centru za socijalni rad, Dječijem obdaništu „Naša djeca“ te BKC-u da dostave svoje trogodišnje planove.

S tim u vezi, služba za poduzetništvo, lokalni razvoj i finansije (odsjek za Budžet i javne nabavke) je pristupila izradi rashodovne strane DOB-a uzimajući u obzir pristigle zahtjeve. Utvrđen je prijedlog DOB-a 2021.-2023.godina na osnovu dostavljenih zahtjeva, uvrštena je rubrika Podnosilac zahtjeva te rubrika Obrazloženje u dokument te je isti dostavljen Gradonačelniku na dalje razmatranje i donošenje konačnog DOB-a 2021.-2023.godina. Uzimajući naprijed navedeno Gradonačelnik je donio dokument okvirnog budžeta DOB 2021.-2023.godina koji će se uz Nacrt Budžeta 2021.godine dostaviti vijeću kao informacija. Na bazi predhodno navedenog te u skladu sa projiciranim okvirom prihoda izrađene su gornje granice rashoda za naredni period unutar kojih će službe razviti detaljne zahtjeve za budžetskim sredstvima u skladu sa narednom instrukcijom za pripremu finansijskih planova za Nacrt Budžeta 2021.godinu.

Takođe uz dokument kao Prilog.1 daje se i projekcija prihoda i rashoda za Grad Gračanica izraženu analitički.

U sljedećoj tabeli daje se pregled indikativnih gornjih granica ukupnih rashoda i izdataka Budžeta Grada Gračanica za period 2021.-2023. Godinu.

Tabela 2.

		Izvršenje	Plan.	Projekcije		
Ekonomski kod		2019. godina	2020. godina	2021. godina	2022. godina	2023. godina
	<b>Plaće i naknade troškova zaposlenih</b>	<b>3.227.076,00</b>	<b>3.445.950,00</b>	<b>3.643.500,00</b>	<b>3.665.000,00</b>	<b>3.674.900,00</b>
611100	Bruto plaće i naknade plaća	2.850.131,00	3.045.000,00	3.225.000,00	3.225.000,00	3.225.000,00
611200	Naknade troškova zaposlenih	376.945,00	400.950,00	418.500,00	440.000,00	449.900,00
612100	Doprinosi poslodavca	299.310,00	320.000,00	339.000,00	339.000,00	339.000,00
613000	Izdaci za materijal, sitni inventar i usluge	2.715.345,00	2.737.043,00	2.517.720,00	2.524.670,00	2.539.170,00
614000	Tekući transferi i drugi tekući rashodi	2.563.767,00	3.635.500,00	2.706.500,00	2.771.500,00	2.736.500,00
615000	Kapitalni transferi	273.169,00	443.456,00	85.000,00	86.000,00	86.000,00
616000	Izdaci za kamate	8.844,00	42.020,00	82.900,00	71.550,00	58.200,00
821000	Izdaci za nabavku stalnih sredstava	3.786.557,00	8.069.558,00	4.246.989,00	2.004.589,00	2.122.981,00
822000	Izdaci za finansijsku imovinu	0,00	40.000,00	40.000,00	40.000,00	40.000,00
823000	Finansiranje-Izdaci za otplate dugova	328.656,00	181.681,00	248.000,00	431.500,00	473.500,00
	Ostalo					
	<b>UKUPNO</b>	<b>13.202.724,00</b>	<b>18.915.208,00</b>	<b>13.909.609,00</b>	<b>11.933.809,00</b>	<b>12.070.251,00</b>

TABELA 4.2.1.

Rashodi i izdaci financirani iz budžeta u 2021. godini predviđaju se u iznosu od 13.909.609 KM, dok se u 2022. godini projiciraju u iznosu od 11.933.809 KM, a u 2023. godini 12.070.251 KM.

Planiran prosječan broj zaposlenih u narednom periodu 2020.-2022 godina je 135 a vrijednost boda 325.

Sredstva u budžetu po godinama planirana su na bazi pristiglih zahtjeva, smjernica te će DOB biti polazna osnova za izradu Nacrta budžeta za 2021.godinu kada će se moći još realnije sagledati potrebe i prioriteti.

U DOB-u su planirani rashodi i izdaci koji se financiraju iz budžetskih sredstava, namjenskih sredstava Cz-a i rashodi i izdaci koji se financiraju iz grantova, inostranstva, viših nivoa vlasti što se vidi iz sljedeće tabele:

Tabela 4.2.2. RASHODI I IZDACI PO IZVORIMA

RASHODI I IZDACI	Projekcije 2021.-2023.		
	2021	2022	2023
Finansirano iz budžetskih sredstava, vlastitih prihoda	10.041.509	10.335.709	10.472.151
Finansirano iz namjenskih sredstava CZ-a	158.100	188.100	188.100

Finansirano iz grantova viših nivoa vlasti, građana	1.710.000	1.410.000	1.410.000
Finansirano iz kreditnih sredstava	2.000.000		
<b>UKUPNO:</b>	<b>13.909.609</b>	<b>11.933.809</b>	<b>12.070.251</b>

**Tabela 4.2.3. UTROŠAK SREDSTAVA CZ-a**

**PRIHODI**

Ekonomski kod	Naziv	PROJEKCIJE		
		2021	2022	2023
719114	Poseban porez za zaštitu od prirodnih i drugih nesreća po osnovu isplaćenih neto plaća zaposlenika	100	100	100
719115	Poseban porez za zaštitu od prirodnih i drugih nesreća po osnovu ugovora o djelu privremenih i povremenih poslova	0	0	0
722581	Posebna naknada za zaštitu od prirodnih i drugih nesreća gdje je osnovica zbirni iznos neto plaća	150.000	180.000	180.000
722582	Posebna naknada za zaštitu od prirodnih i drugih nesreća gdje je osnovica zbirni iznos neto primitaka	8.000	8.000	8.000
	<b>UKUPNO I :</b>	<b>158.100</b>	<b>188.100</b>	<b>188.100</b>

**RASHODI I IZDACI**

Ekonomski kod	Naziv	PROJEKCIJE		
		2021	2022	2023
613481-2	Izdaci za odjeću i uniforme	15.000	18.150	18.150
613481-4	Izdaci za nabavu opreme i MTS-a, nabavku i održavanje sistema za uzbunjivanje stanovništva	10.000	10.000	10.000
613727-6	Čišćenje vodotoka-javni radovi	12.000	8.000	8.000
613991-12	Obuka struktura CZ-a	6.500	6.500	6.500
613991-10	Deminiranje sumnjivih površina od mina	10.000	15.000	15.000
613991-16	Sufinansiranje OOCK			

	u organizaciji takmičenja učenika OŠ iz oblasti PMP, upozoravanja na opasnost od mina i organizovanja darivanja krvi	3.000	3.000	3.000
613991	Izdaci za finansiranje neplaniranih troškova u provođenju mjera zaštite i spašavanja	8.360	0	0
613991-5	Otklanjanje posljedica prirodnih i drugih nesreća	30.000	30.000	30.000
613991-2	Izdaci za Antrax – cijepljenje stoke	5.000	6.210	6.210
613991-26	Naknade za rad i troškovi izlaska na teren komisije za procjenu šteta od prirodnih i drugih nesreća	3.240	0	0
615211-3	Subvencioniranje nabavke opreme potrebne za provođenje lične i kolektivne zaštite građana	5.000	6.000	6.000
821619	Izdaci za sanaciju klizišta	30.000	45.240	45.240
821311-3	Oprema CZ i investiciona rekonstrukcija	20.000	40.000	40.000
	<b>UKUPNO:</b>	<b>158.100</b>	<b>188.100</b>	<b>188.100</b>

## Poglavlje 5 – Otplata kredita

U narednom periodu 2021.-2023.godina Grad Gračanica ima obavezu otplate po kreditima Evropske investicione banke. Otplata kredita kod Evropske investicione banke prema otplatnom planu dostavljenom od strane PMU-a u 2021.godini otplata iznosi po 82.000 KM i u 2022.godini otplata iznosi 91.500 KM, u 2023.godini otplata iznosi 123.500 KM. Projicirana otplata duga za planirano kreditno zaduženje za PKSC Bazen po godinama iznosi: 2021.godina 166.000 KM, 2022.godina 340.000 KM I 2023.godina 350.000 KM.

Cilj Dokumenta okvirnog budžeta je da pruži kvalitetniji strateški osnov za srednjoročno planiranje budžeta i pripremu godišnjih budžeta, kroz povezivanje trogodišnjih projekcija rashoda sa utvrđenim srednjoročnim prioritetima općine. Imajući ovo u vidu, utvrđeni prioriteti bili su polazna osnova kod donošenja odluka o predloženim prioritetima potrošnje, a u skladu s tim i budžetskim ograničenjima za naredni trogodišnji period.

Prijedlozi prioriteta potrošnje i početnih gornjih granica rashoda iskazanih u tabelarnom dijelu

DOB za period 2021.-2023. godine utvrđeni su na osnovu sljedećih elemenata:

- Strategije razvoja Grada Gračanica;
- fiskalne politike Grada Gračanica i okvira raspoloživih sredstava;
- dostavljenih finansijskih zahtjeva budžetskih korisnika/potrošačkih jedinica (službi);



- Smjernice ekonomske i fiskalne politike TK 2021.-2023.godina

Sastavni dio DOB-a je:

- Prilog 1. - Tabelarni pregled prihoda i primitaka sa indikativnim gornjim granicama rashoda i izdataka Grada Gračanica za period 2021.-2023.godine.

U skladu sa članom 18. i članom 19. Zakona o budžetima u Federaciji Bosne i Hercegovine („Službene novine Federacije BiH“, br.102/13, 9/14 i 13/14, 8/15, 91/15, 102/15, 104/16) nakon usvajanja od strane Gradonačelnika, ovaj dokument bit će objavljen na web stranici Grada Gračanice i dostavljen Gradskom vijeću Gračanica kao informacija uz Nacrt budžeta za 2021.godinu.

**Bosna i Hercegovina**  
**Federacija Bosne i Hercegovine**  
**Tuzlanski kanton**  
**GRAD GRAČANICA**  
**GRADONAČELNIK**

Broj: 02-11- 01886 /2020  
Gračanica, 30.06.2020.godine

GRADONAČELNIK  
Nusret Helić